

VENDIM
Nr. 424, datë 4.7.2012

**PËR SHPRONËSIMIN, PËR INTERES PUBLIK, TË PRONARËVE TË PASURIVE TË
PALUAJTSHME, PRONË PRIVATE, TË CILAT PREKEN NGA NDËRTIMI I VARREZAVE
PUBLIKE, NË KOMUNËN BUSHAT, TË QARKUT TË SHKODRËS**

Në mbështetje të nenit 100 të Kushtetutës dhe të neneve 5 pika 1, 20 e 21 të ligjit nr. 8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e Ministrit të Brendshëm, Këshilli i Ministrave

VENDOSI:

1. Shpronësimin, për interes publik, të pronarëve të pasurive të paluajtshme, pronë private, që preken nga ndërtimi i varrezave publike, në komunën Bushat, të qarkut të Shkodrës.
 2. Shpronësimi bëhet në favor të komunës Bushat.
 3. Pronarët e pasurive të paluajtshme, pronë private, që shpronësohen, të kompensohen sipas tabelës, që i bashkëlidhet këtij vendimi dhe është pjesë përbërëse e tij, për sipërfaqen 2 500 (dy mijë e pesëqind) m², tokë arë, në masën 777 500 (shtatëqind e shtatëdhjetë e shtatë mijë e pesëqind) lekë.
 4. Vlera e përgjithshme e shpronësimit përballohet nga buxheti i komunës Bushat, sipas planifikimit përkatës.
 5. Afati i përfundimit të procedurës së shpronësimit të jetë tre muaj pas datës së hyrjes në fuqi të këtij vendimi.
 6. Vlera e shpenzimeve procedurale të përballohet nga komuna Bushat.
 7. Afati i përfundimit të punimeve për këtë objekt të jetë në përputhje me afatet e parashikuara nga komuna Bushat për realizimin e këtij projekti.
 8. Regjistrimi i ri i pasurisë prej 2 500 (dy mijë e pesëqind) m², tokë arë, shpronësuar në favor të komunës Bushat, të bëhet brenda 30 (tridhjetë) ditëve nga data e hyrjes në fuqi të këtij vendimi.
 9. Ngarkohen Ministria e Brendshme dhe komuna Bushat, e qarkut të Shkodrës, për ndjekjen e zbatimit të këtij vendimi.
- Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha